



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 633. Usque Ad Annum 726

Fleury, Claude

August. Vind. [u.a.], 1760

VD18 90117840

§. 15. Dagoberti Obitus. Clodoveus II. Rex.

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

Sæculum VII
A. C. 638.

Qui Pœnitentiam publicam initio receperunt, & ante tempus illa rejecta vestem sæcularem resumunt, ab Episcopo custodiæ tradantur, pœnitentiæ legibus inviti subjiciantur, & in Monasteria includantur. Si id, aliquo potentiore resistente, exequi non liceat, excommunicentur secundum antiquos Canones, usque dum ad pœnitentium ordinem redeant. Non memini, me antehac legisse, pœnitentiam aliquando fuisse vi extortam, nam secundum antiquos Canones, ut hic quoque adnotatur, satis erat, excommunicare peccatores, scandalum aliis præbentes, qui Pœnitentiam non petebant, vel susceptam non adimplebant. Liberti Ecclesiarum Professionem suam renovabunt, quotiescunque novus successerit Episcopus. Liberi eorum erudiantur & educentur ab Episcopis, eisque officia congrua exhibeant, salva sua libertate. Huic Concilio Toletano quadraginta duo Episcopi Hispaniæ & Galliæ, atque quinque absentium Delegati interfuere. Primi quatuor leguntur Silva Narbonensis, Julianus Braccarensis, Eugenius Toletanus, & Honoratus Hispalensis.

§. XV.

Dagoberti obitus. Clodoveus II. Rex.
Dagobertus Rex Franciæ, cum Epinassii quo-

quodam Vico ad Sequanam versaretur, morbo correptus, voluit in Ecclesiam S. Dionysii deferri, quam ornaverat, & locupletaverat, ut S. Martyris tutelam mereretur. Ipse tamen hujus Ecclesiae Fundator non est, cum illa & Monasterium jam anno 627. priusquam Dagobertus regnaret in Neustria, extitisse legantur. Sed illam Ecclesiam auro gemmisque ornavit, multa pretiosa obtulit, aedificia Monasterii ampliavit, & plurimos fundos in diversis locis sitos ei donavit. Imo ibidem Psalmodiam perpetuam ad exemplum Monasterii Agaliensis instituit. Rex Dagobertus obiit 18. Jan. anno 638. Regni sui decimo sexto, si anni ex eo tempore, quo a Parente suo Regnum Austrasiae accepit, numerentur, & sepultus est ad S. Dionysium, ubi etiam exinde plurimi Reges Successores ejus conditi. Duos reliquit filios, Sigebertum III. quem jam anno 632. Regno Austrasiae praefecerat, & Clodoveum II. quadrimulum, qui in Neustria & Burgundia sub cura Reginae Matris Nantildis & Egæ Majoris Domus regnavit.

Saeculum VII
A. C. 638.

Mabill. to. 3.

Analect. p.

514. Id.

Diplom. p.

99. 626.

§. XVI.

Leges Barbarorum.

Rege Dagoberto jubente collectæ, & in meliorem formam redactæ fuerant Leges omnium populorum Barbarorum,

C 5

qui